

Fiche 03-i *Ka nimakuteshit u*

Anite passe aimunit, tshekuan ma uet takuak ne u ka nimakuteshit?

Passe aimuna uiatakanitau, pietakuan tshekuan nete mashten, miam ne auen putatitsheti tshipa tshi ishitakuan. Miam ne mate : kak^u uianakaniti nete mashten petakuan tshekuan, eukuan an uet takuak ne u ka nimakuteshit.

Mate, eukuani umeni aimuna u ka nimakuteshit tekuak.

<i>k^u</i>			
un ours	<i>mashk^u</i>	une mer	<i>shipek^u</i>

<i>m^u</i>			
il peint	<i>peshaim^u</i>	juin	<i>uapikun- pishim^u</i>

<i>t^u</i>			
tant de..	<i>tat^u</i>	trois	<i>nisht^u</i>

<i>sh^u</i>			
deux	<i>nish^u</i>		

Meshinaitshenanuti, tanite uet tshi tshissenitamin anite tshe ashtain ne u ka nimakuteshit uesh ma apu kassinu ashtakanit anite aimunit. Takuan ne u ka nimakuteshit nete aimunit eshi-punipaniti mashten : k, m, t mak sh. Apu kassinu anite takuak ne u ka nimakuteshit nete aimunit, miam mate neni aimuna: minush, massishk, asham, enat.

Tan ishpish an tshe ashtet ne ka nimakuteshit u? Tshi mishaikaniti ne aimun, ka ishinikatakanit ishinikatamun kie ma aitun. Mate, miam e mitshetiki

tshekuana ishinakutaini, tshika uapaten ne takuaki u anite aimunit. Tshipa tshi ashit itashtan miam e apishashiti aimun.

Mate :

E mishtikushiushtet	<u>Kie ma</u>	E mitshetiht	Ka nimakuteshit u
un ours	mashkat <u>kie ma</u> mashkuat	mashkuat	mashk ^u
un caribou	atikat <u>kie ma</u> atikuat	atikuat	atik ^u
un chat	minushat <u>kie ma</u> minushuat	minushat	minush
une oie	nishkat <u>kie ma</u> nishkuat	nishkat	nishk
un porc-épic	kakat <u>kie ma</u> kakuat	kakuat	kak ^u
un serpent	manitushat <u>kie ma</u> manitushuat	manitushat	manitush
une île	minishtika <u>kie ma</u> minishtikua	minishtikua	minishtik ^u
un pinceau	pshaikanashka <u>kie ma</u> pshaikanashkua	pshaikanashkua	pshaikanashk ^u

E mishtikushiushtet	<u>Kie ma</u>	e apishashit aimun	Ka nimakuteshit u
un ours	mashkiss <u>kie ma</u> mashkuss	mashkuss	mashk ^u
un caribou	atikiss <u>kie ma</u> atikuss	atikuss	atik ^u
un chat	minushiss <u>kie ma</u> minushuss	minushiss	minush
une oie	nishkiss <u>kie ma</u> nishkuss	nishkiss	nishk
un porc-épic	kakiss <u>kie ma</u> kakuss	kakuss	kak ^u

un serpent	manitushiss <u>kie ma</u> manitushuss	manitushiss	manitush
une île	minishtikiss <u>kie ma</u> minishtikuss	minishtikuss	minishtik ^u
un pinceau	pshaikanashkiss <u>kie ma</u> pshaikanashkuss	pshaikanashkuss	pshaikanashk ^u